

豫

章

焚

書

第二冊

萬庵詩集卷一

鄱陽五家九

鄱陽葉蘭著

史簡編

七言絕句

題錢本初畫越山圖

寒碧稜稜玉幾灣
龍飛鳳舞畫圖間
王孫八葉錢鏐後
識得吳山并越山

金臺卽興十首

三錄

路入漣溝東復東
翠華高處是皇宮
池塘楊柳秋煙碧
簾箔樓臺晚照紅

畫鼓鼙鼙響似雷
內官晚集拜郊臺
柳堤一道黃塵

起知是番家進馬來

宮水溶溶出御溝
綠楊掩映小紅樓
樓高莫揭珠簾
看牆外王孫學打毬

姑蘇感書十首

錄四

繡羅衫子紫藤鞭
五色春雲拂錦鞦
醉散平橋楊柳
市黃鶯啼近馬頭前

江月朦朧水映沙
吳姬嘈雜撥琵琶
闌間城外垂楊
路十里紅樓盡酒家

春來長愛對花眠
彼此風流盡少年
記得竹堂燈火
夜醉圍紅袖賭金錢

明日春晴出郭遊
問郎騎馬妾登舟
玉盞滿注葡萄酒
不上靈巖卽虎邱

送錢朝陽還河上十首

錢

鵲立沙邊望去程
柳林直下是柴棚
壯懷落落都休問
千里歸舟對月明

天涯縹緲暮雲迷
春雨江南草色齊
路上行人多少恨
從今休聽子規啼

山路高高江水深
玉人迢遞去難尋
重過舊宅相思處
愁對甘棠一樹陰

晚歸古鑑漫興十首

數棹歸來罷釣綸相逢莫問武陵人世間甲子如流水
回首桃花幾度春

百花洲渚漾晴暉野色青蔥好染衣寂寞離亭天欲
暮水田漠漠鷺鷥飛

淺淺湖波齊膝流青青荷葉過人頭晚來覓得魚雙
尾喚請隣翁上酒樓

晚沽桑落過前溪花外驚聞匹馬嘶有客來尋書畫
舫醉將白練寫新題

澹煙輕罩魯公亭楊柳絲絲蘸水青畫舫女兒雙蕩
槳唱歌相答過沙汀

綠柳黃蘆紅蓼花晴波漱瀾擁寒沙鴛鴦水閣雙雙
並都是臨溪賣酒家

風漫蘆花沒釣船雁聲噤噤叫寒煙摩挲醉眼秋江
望欲倩王維畫輞川

柳林港口夕陽低慘慘昏煙鴉亂啼漁婦賣魚還買
酒相呼齊過畫橋西

醉擁青綾怯夜涼小奴移棹泊橫塘波光如洗月華
白簌簌芙蓉兩岸霜

酣醉蓬窗發棹謳西風颭颭鬢毛秋起看吳芮祠前
路惟有長江不盡流

雜興六首

錄三

別後柴門莫亂開
公家科役日相催
家人若問歸期
候蠶繭線時去定回

子規啼處又春餘
楊柳飛花雪不如
客旅不知程路
遠夜來夢訪故人居

網船撻鼓賣春鮮
兩岸桃花色更妍
憶著家鄉二三
月河豚新出薦芳筵

寄張達善大參

沉沉月影浸寒流
一雁初飛萬國秋
醉寫玉壺留別
意客愁都在小紅樓

客懷三首錄二

回首江南事已非故家庭院鎖重圍柳塘西館斜陽裏只有當時燕子飛

野橋西轉路欹斜青旂高懸賣酒家收拾客愁無處着夕陽芳草一池蛙

舟泊東津

江月東生江水西鷓鴣啼罷子規啼孤舟老病思年少走馬春遊楊柳堤

詠玉簪花

玉立亭亭束素粧滿庭風露洗秋香後堂莫把裝鴛

髻羞殺金釵十二行

重題硯山清隱圖

野樹溪嵐翠影浮
墨華寒落硯池秋
摩挲認取山陰路
曾泛鵝羣醉裏遊

賣花

萬紫千紅益益新
擔頭挑盡洛陽春
一聲叫入紗窗內
忙殺梳粧鏡裡人

贈周伯溫

覓得神鰲休便休
不須重上釣魚舟
夜來醉向雙溪望
明月蘆花別是秋

五言近體

送郡庠張琬次錢朝陽韻

清霜脆堤柳離愁暗楚江
英才今有幾國土舊無雙
野色連帆影歌聲雜鼓腔
都門雲五色望望近船窗
送翟敬夫之閩中

微雨浥輕塵離亭餞遠人
紫騮嘶岸草白燕蹙江春
野迴天垂楚山連地入閩
商歌莫輕發一曲淚沾巾
舟中有感寄楚芳弟

雨雪暗江天舟行着夜牽
客程淹歲月家計憶山田
野餘長腰米溪魚縮項鰻
故園風景好歸去過新年

舟泊葛陂寄方方壺鍊師

天暝雨瀟瀟溪流勝海潮春舡依樹杪晚飯摘山苗
鳥道羣崖合龍陂一水遙投竿探仙跡壺老肯相招

卧病二首

錄其

卧對北窗晚庭陰碧樹涼壯懷悲日短老病覺年長
藥裏新團劑衣熏舊賜香還思玉關道雙鍊看斜陽

送陳元履

郡人喧驛堦大理發裝行宦業秋霜冷歸舟夜月明
神京山似洛淮岸水連城去去棠陰路西風第一程

輓游原牧

報書傳驛使遠歿錦宮城夜雨孤燈夢春風萬里情
靈扁封拜命諫院哭題名愁看西州路萋萋芳草生

浦城山館阻雨

玉溜垂珠箔青苔繡粉牆積陰連五夜清夢到三湘
竹屋茶煙濕荷池扇影涼重陰蔽難霽淹滯泊魚梁
出塞吟壽達丞相

白雪滿天山將軍出漢關饒歌遠水上轉戰虜塵間
夜月嚴營靜秋風牧馬閒歸當銘碣石功業復誰攀
入塞吟

破虜已擒王全功獻未央黃金秋馬轡白玉夜車箱

風亂雕旗影星開寶劍光還歌漢家曲鼓吹發漁陽

客錢塘簡祝良英

爲客久淹留行程不自由簾垂孤館雨砧急滿城秋
紅顏酣餘色霜髯病裡愁那堪苦蕭索兩月住江頭

寄山陰蔡孟陶

寂寞望山陰愁懷恨轉深還家添白髮爲客盡黃金
歲冷砧砧急燈昏夜漏沉淒涼孤館裏誰識旅人心

寄張理卿

風色山城暮雨聲秋屋寒彎弓爲學晚識字濟時難
聞說元王履欣彈貢禹冠不甘寂寞愁坐夜漫漫

七言近體

聞家尊侍丞相還軍中奉呈張學士

紫禁沉沉玉院迷
早朝齊候唱晨雞
天寒鼓角東風急
雲暗旌旗北斗低
將令傳聞還瀚上
捷書飛報下遼西
內門宣詔迎丞相
鐵甲銀鞍十萬蹄

奉次錙廷翰太守燈夕韻

溶溶月色下樓臺
小玉隔牆逐隊來
燈影高燒珠樹合
歌聲輕遏彩雲迴
朱門列第從人玩
金鑰重關是處開
太守行權情爛熳
麾幢夜擁宴蓬萊

逢唐伯剛太守

十里平湖漾碧沙
小樓嘈雜撥琵琶
金鍾酒注鵝兒
色春兩簾開杏子花
無限離愁攢客次
幾番歸夢遶天涯
若逢相識傳書信
五月南風定到家

寄松江金文振同矩

北州太守近新歸
湖海飄零興已違
錦綬却藏桃竹
篋烏巾自稱木棉衣
鱸生湖水思張翰
鶴唳華亭嘆陸機
書札頻頻勞問訊
白頭相見故人稀

送金文振同知還松江

對客淒涼話舊遊
遙遙楚尾接吳頭
山迴紫鳳衝天
起江遙青龍入海流
寄別詩題蒲葉扇
送行人上木

蘭舟愁來重憶華亭路縹緲雲間十二樓

答蘇仕常金臺懷古

漢騎南來擁鐵戈鳳城空遠舊山河堪憐玉殿閒青
鎖無復金輿控紫馳一代衣冠成土壤九重歌舞罷
天魔祖龍王氣百年盡遊客悲來感慨多

居庸關懷古

峻嶺崎嶇古松長蛟龍盤互鬱蒼蒼翠華北望關門
鎖玉輦西來石路荒社稷傾亡無禮樂山河險固設
金湯北歌莫向樽前唱羞笛胡笳總斷腸

燈夕簡南軒彭敬宗二首

東風搖曳翠絲絲春到門前五柳枝
自嘆葉公誰問政却憐鮑叔獨相知
愁來寂寞惟耽酒老去顛狂不廢詩
南陌東城簫鼓聞看燈且過上元時

元夕看燈憶舊年紫騮馳道拂金鞭
雲機綵織千絲錦玉井花開十丈蓮
笑選笙歌徵杜曲坐窮河漢問張騫
如今却守城南寺蘇晉長齋繡佛前

謝施仁政惠傘

暫歸復去倍相思欲餞郵亭酒一卮
小艇覓來還怕漏寒驢借得不堪騎
田荒空望秋成日屋破深憂雨下時
承惠亭亭碧油蓋從今感戴且支持